

[www.BibleForChildren.org](http://www.BibleForChildren.org)

# Mateus 8



Xepxep xet kap puje Jesus o'ju jewebumũnap epeta kay. O'ju jeweju etaybitbinayũ eju—12 beayũ eju. Judeuyũ peta muğẽğẽ'uk osodop ip jewebumũn puje. Caná ka be peta o'ğũğẽ. Ibo ka Galiléia eipi be o'sukadop. Jesusyũ juk o'tomuwã ip. Ixi dak o'ju ceweju ip.



Ĝebuĵe uva'abidi kay o'e ip o'ti'ũm puye. — Uva'abidi o'ti'ũm — io'e ixi Jesus pe. Ĝebuĵe ixi o'ju peta iwat a'õbuywatwat'ukayũ kay. — O'it a'õ kay juy epe'e — io'e cebe ip.



O'jekawēn ibuywatwat'ukayũ be ixē Jesus.

— Idibi juy epetibu ite'a munopapũn

ãm—pote'a munopapũn ãm — io'e.

— Epeyamunopapũnpũn cuy ip idibim

— io'e. Idibi o'eimuõm ip pote'a be.



Yanopapūn o'e. — Ti'in cuy epeti'uk yabewi  
— Jesus o'e cebe ip. — Eyekariwa kay juy  
epetidujowat — io'e. O'ti'uk ip yabewi.  
O'tidujowat ip jekariwa kay.



Idibim ġu o'e. Uva'abidim o'jediewexat. Peta iwat o'tikõn.  
Peta iwat ma itaybit ġu o'e abu o'timuwexat uva'abidim iam.  
O'ti'uk'iayũ bit itaybit  
o'e. Ġebuje peta iwat  
jewebumũniat o'tomuwã.



— Soat oceju koam tikujĩjãti ũmũm ocebureyũ be.  
Ibeğbeğ ip pima, oceju tikõõmati ũmũm cebe ip.  
Ën pit imẽn ģu e'em. Ģasũ  
acã tikujĩjãati ũmũm ģn  
ocewebe! — io'e.



Imēneju ceweju etaybitbinayū oitabun cekay.

— Deus a'ōbacaap kuḡ tekū — io'e ip.

Jesus idibi o'timuwexat  
uva'abidim.




Jesus koam wuywebe i'e ba'oreat o'ğubapuk  
Caná ka beayũ etabutpe Galiléia eipi be.  
Õn Deus a'õbacaap kuğ iap  
o'ğubapuk adeayũ be.



O'ju. Jesus oajëm Pedro duk'a be. Oõm.  
Pedro daxijo o'jojjo. Ipa'i jĩã opop xeku.



Jesus o'ğucay ipa'iat. O'subaixik. Iměnpuye ipa'i'ũm o'e.  
Xipat o'e. O'kop cama bewi. Jesus xat o'ğugě cebeam.




Katpuje ade iwãtaxipipiayũ o'tujowat Jesus kay ibo ka  
watwat. Axik kukukayũ dak o'tujowat cekay. Soat aãoka  
watwat o'je'awero ip  
uk'a esũntabi be.



Ĝebuje Jesus o'ĝu'ada'ada ip iwãtaxipiayũ. Kiiih.  
Ade osodop ip iwãtaxipiayũ. Soat iwarururu osodop  
iwãtaxipi cexe ip. Ade axik o'ĝujẽmjẽm cebewi ip. Itaybit axik  
osodop ip Jesus Deus emunaẽ iam. Jesus pit ixeyũ be  
o'ĝuwẽnat ĝu. — Abu õn iam cuy epeĝukũyjo ĝu ip — io'e  
cebe ip.



Ixe be imu'ada but osunuy Deus a'õbacaap kuḡ puye. Soat o'ḡu'ada'ada iwãtaxipiyũ.



Ĝebuĵe ebadipdip aĝokatkayŭ oajĕm Jesus kay. Jebure dujuajĕm ojuy ip—ijebit e'ŭat.



Imēnpit tujuajēm pa'ore o'e ip Jesus  
kay ade jījā Jesus akokoreren ip puye.  
Imēnpuye ebadipdipayū o'jeu  
uk'a abi jeje. Uk'a ip o'yabimutok  
Jesus ase. Ijebit e'ūat o'ģukop  
ip ixexecap pe.  
O'ģukop ip Jesus  
wap.



— Teyũku itabut okay — io'e Jesus jewebe ma.

Ĝebuje Jesus o'jekawẽn ijebit

e'ũat pe. — Tapu, ikẽrẽat

kuy oju'uk ewebewi

— io'e. Ĝebuje Jesus

o'jekawẽn ijebit e'ũat

pe. — E'ãy — io'e

cebe. — Exexecap

cuy ejat — io'e.

— Eju juy eduk'a

be — io'e Jesus cebe.



Kobe be oõm Jesus. O'timukek ip, wĩnãbu o'timudek  
ip—Jesusyũ. Timudekdeğ pima ip,  
kabidoxixi oajẽm. Oajẽm iodi kay.  
Topapũn kobe o'e idibim,  
kabidoxixi ajẽm puje.  
Kobe dağacat iparara ip  
o'e kabido buxixim.  
Jesus pit ixet kobe be.



O'jewurũg̃ Jesus. — Apẽgã̃m puxim eyparara? — io'e.  
— Apẽnpuye eyetabutbũt okay? — io'e ipararaayũ be.  
— Eypararam g̃u juy epesop. Okay juy eyetabut cĩcã.  
— Ebidopon! — io'e kabido be. — Edipon! — io'e iodi be.

Imẽnpuye kabidoxixi o'subido'ũm.

Iodi dak tistem cĩcã o'e Jesus a'õbi.

— Apen ibo o'jebapuk?

— io'e ip. — Abu sute?

Kabidoxixi o'subido'ũm  
ya'õbi. Iodi dak kũyjobit

ya'õ kay— io'e ip. Jesus  
muwẽnuwẽn o'e ip jewewebe.



— Deus xe wuykukpin cĩcã ajop.  
Iměnpuye jekpot o'ğudot wuykay. Pũğ ma  
ipot. Ixe ipot kay wuyetabut pima, soat  
em ģu wuye'ũ acesop. Ce'ũ'ũayũm ģu  
acesop. Waram acejetait. Soat  
em wuyetait acesop Deus  
xe — io'e.



Romanos 3:23 Soat ipi watwat ikērēat o'ģuģē. Ka'ūma ma ikērēat kuģ ģu. Wūy ma o'e ip Deus wi—warara'acat podi ma idipat wi, ikērēat kuģ puye.

Romanos 6:23 Kapikpik'ukat jekapikaptei bubum. Imēnpuxim ikērēat mujurūģrūģ'ukat Deus wi wūy ma jeenuy je'ū buje. Ixe wi wūy ma jeenuy ikērēat o'ģujurūģrūģiap teim. — Soat em oxeye etait epesop — i'e'em Deus wuywebe bit, wuykukukat Jesus Cristo eju mūģ'i wuyju jekukum puye. Soat em ixexe wuydopap tei'ūmat co'i. Kapikpiģ ģu wuyju iboap pu am. Tei'ūma Deus iūmūm wuywebe.

Hebreus 9:27 Soat ace'ū pūģ em ma. Wuye'ū buje Deus apēn ijodi bima juk adi ajekukuku iaptei ideida wuywebe soat pe. Ipiat supi'ajoat kūyjobit'ūm topibiyū be kūyjobit'ūmapteim. Xipacat pit je'ģūm kūyjobicayū be.



Aos Efésios 2:8,9 Deus wuydaxijojom xipan wuykuḡ puye. Ixe wuydaxijojom Jesus Cristo kay wuyetabun puje. Tei'ũma wuydaxijojop. Deus emumuũm puxim wuydaxijojop teihe ḡu buye. Deus wuydaxijojom cũḡ ma wuyekukuap tomuju ḡu. Imẽnpuye: — Deus cuk ocedaxijo cũḡ ma oceju jekukum puye — i'e ba'ore wuywebe.

Romanos 10:9,10 Imẽneju Deus jeydaxijo. “Jesus ocekukukat,” i ey'e buje, Deus jeydaxijo. Deus waram Jesus o'ḡutait ce'ũap tomukadi iap kay eyetabut pima, ixey jeydaxijo. Jesus kay wuyetabun puje, Deus e'em wuywebe: — Cũḡ ma eyju oxe — i. “Jesus ocekukukat,” i wuy'e buje dak, Deus wuydaxijo.



João 3:16,17 — Deus xe wuykukpin cĩcã ajop. Iměnpuye jekpot o'ğudot wuykay. Pũğ ma ipot. Ixe ipot kay wuyetabut pima, soat em ģu wuye'ũ acesop. Ce'ũ'ũayũm ģu acesop. Waram acejetait. Soat em wuyetait acesop Deus xe — io'e. — “Ipiat osupi'ajoat eywebe ikěrěat kuğ eyju oxeye buye,” i'e ojuy ģu Deus. Iměnpuye jekpot o'ğukop ipi kay. O'ğudot ipi dağayũ daxijo am ipiatpi'ajojoap kay cuap puxim — io'e.

1 João 5:11-13 — Eyağuyisum epeku ijodi bima okpot oe'ũ eywebeam puye — i'e'em Deus soat pe wuywebe. — Soat em eyetait epesop oxeye'ũ buje dak — i'e'em wuywebe. Ipot kay itabucayũ ma yağuyisum jekukum ijodi. Soat em Deus xe itait jeedop ip je'ũ buje dak. Itabut'ũmayũ bit yağuyisum ģu jekukum ijodi. Soat em Deus wi wũy ma jeedop ip ce'ũ buje dak. Eyetabut Deus ipot kay. Iměnpuye eyağuyisum eyju jekukum ijodi bima. Eye'ũ buje dak soat em eyetait epesop Deus xe. Ijudup mubarararağ ãn iboam eymutaybit am.



Mateus 8-9; Marcos 1-2, 4; Lucas 4, 8; João 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Munduruku NT (my) © 2010, Wycliffe Bible Translators,  
Inc. All rights reserved.

<https://www.bible.com/bible/662/MAT.1.MYU>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

